

ხელშეკრულება # 88
სახელმწიფო შესყიდვის შესახებ

ქ. ოზურგეთი

18 მაისი 2017 წელი

ერთის მხრივ, ოზურგეთის მუნიციპალიტეტი (შემდგომში – შემსყიდველი), წარმოდგენილი გამგებლის მერაბ ჭანუყვადის სახით და მეორეს მხრივ, შ.პ.ს „რიყე 2014“ (შემდგომში – შემსრულებელი) წარმოდგენილი დირექტორის პაატა ვაშალოშიძის სახით, (შემდგომში – მიმწოდებელი) „სახელმწიფო შესყიდვების შესახებ“ საქართველოს კანონისა და ელექტრონული ტენდერის (აუქციონის გარეშე) (NAT170003094) პირობების შესაბამისად, ვდებთ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი

1.1. მთლიანი ან ნაწილობრივი სამშენებლო სამუშაოები და სამოქალაქო მშენებლობის სამუშაოები (CPV კოდი - 45200000);

2. შესყიდვის ობიექტი

2.1. ოზურგეთის მუნიციპალიტეტის ადმინისტრაციულ ერთეულებში გზის მონაკვეთზე, ბეტონის მოწყობის სამუშაოები, CPVკოდი: 45233110 - საავტომობილო გზების მშენებლობა:

- ა) სოფელი გურიანთა (ეკლესიის მიმდებარედ) ბეტონის გზის მოწყობა;
- ბ) სოფელი კონჭკათი (მე-6 ბრიგადა, ხარაიშვილების უბანი) ბეტონის გზის მოწყობა;
- გ) სოფელი კონჭკათი (პირველი ბრიგადა) ბეტონის გზის მოწყობა;

2.2. შესასრულებელი სამუშაოს მოცულობა მოცემულია სახარჯთაღრიცხვო დოკუმენტაციაში, რომელიც ხელშეკრულებას თან ერთვის (დანართი #1).

3. ხელშეკრულების საერთო ღირებულება

- 3.1. ხელშეკრულების საერთო ღირებულება შეადგენს 70 000 (სამოცდაათი ათასი ლარი) ლარს.
- 3.2. ხელშეკრულების საერთო ღირებულება მოიცავს, საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.
- 3.3. დაფინანსების წყაროს წარმოადგენს, ოზურგეთის მუნიციპალიტეტის 2017 წლის ადგილობრივი ბიუჯეტი.

4. შესყიდვის ობიექტის მიწოდების ვადები და ადგილი

- 4.1. შესყიდვის ობიექტის მიწოდების საბოლოო ვადა ხელშეკრულების გაფორმებიდან 90 კალენდარული დღის განმავლობაში (2017 წლის 15 აგვისტოს ჩათვლით), აღნიშნულ ვადაში წარმოდგენილი უნდა იქნეს ხელშეკრულების მე-6 მუხლის 6.6. პუნქტით გათვალისწინებული ექსპერტიზის დასკვნა.
- 4.2. შესყიდვის ობიექტის მიწოდების ადგილია: ოზურგეთის მუნიციპალიტეტი.

5. ხელშეკრულების მოქმედების ვადა

5.1 ხელშეკრულება ძალაშია მისი ხელმოწერის დღიდან და მოქმედებს 2017 წლის 1 ნოემბრის ჩათვლით.

6. შესყიდვის ობიექტის მიღება-ჩაბარების წესი

- 6.1. შესრულებული სამუშაოს ჩაბარება შესაძლებელია განხორციელდეს ეტაპობრივად, შესრულებულ სამუშაოზე შედგენილი მხარეების უფლებამოსილი წარმომადგენლების მიერ დამოწმებული შესაბამისი აქტის საშუალებით.
- 6.2. სამუშაოები უნდა შესრულდეს გეგმა-გრაფიკის შესაბამისად (დანართი N2), წინააღმდეგ შემთხვევაში გამოყენებული იქნება ხელშეკრულებით განსაზღვრული პირობების შეუსრულებლობისათვის საჯარიმო სანქციები.
- 6.3. ფარული სამუშაოს შესრულების შემთხვევაში შემსყიდველის მიერ უფლებამოსილი წარმომადგენლის თანდასწრებით უნდა შედგეს შესაბამისი აქტი, რომელსაც უნდა ერთოდეს სამუშაოს შესრულების ამსახველი ფოტომასალა, სადაც ასახული იქნება სამუშაოს ყველა ეტაპი (დაწყებამდე, მიმდინარეობის პროცესი, დასრულების შემდეგ).
- 6.4. სამუშაოს (ეტაპის) მიღება განხორციელდება, შემსყიდველის და მიმწოდებლის უფლებამოსილი წარმომადგენლის თანდასწრებით, რაზედაც შედგება უფლებამოსილი წარმომადგენლების ხელწერებით დამოწმებული შესაბამისი მიღება-ჩაბარების აქტი.
- 6.5. შემსყიდველის მხრიდან მიღება-ჩაბარების აქტს ხელს აწერს სახელმწიფო შესყიდვების შესახებ ხელშეკრულების პირობების შესრულების კონტროლის მიზნით ოზურგეთის მუნიციპალიტეტის გამგებლის ბრძანებით შექმნილი სამუშაო ჯგუფი.



6.6. ობიექტის საბოლოო მიღება-ჩაბარების აქტს უნდა ერთვოდეს ლ. სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტირებული ექსპერტიზის მიერ გაცემული დასკვნა, შესრულებული სამუშაოს სახარჯთაღრიცხვო დოკუმენტაციასთან შესაბამისობის შესახებ. ასევე დასკვნას თან უნდა ახლდეს ლაბორატორიული დასკვნა ბეტონის მარკის შესახებ.

6.7. ექსპერტიზის დასკვნის ხარჯებს აანაზღაურებს მიმწოდებელი.

7. შესყიდვის ობიექტის ხარისხი და გარანტია

7.1. შესყიდვის ობიექტის ხარისხი უნდა პასუხობდეს სახარჯთაღრიცხვო დოკუმენტაციის მოთხოვნებს.

7.2. უხარისხოდ შესრულებული სამუშაო(ები) არ მიიღება და არ ანაზღაურდება.

7.3. შესრულებული სამუშაოს საგარანტიო ვადა, რომლის განმავლობაშიც მიმწოდებელი ვალდებულია საკუთარი სახსრებით აღმოფხვრას (დაუყოვნებლივ - გონივრულ ვადაში) გამოვლენილი დეფექტები, შეადგენს საბოლოო მიღება-ჩაბარების აქტის გაფორმებიდან 3 (სამი) წელს. (გარდა მექანიკური დაზიანებისა).

8. ანგარიშსწორების ფორმა, გრაფიკი (ვადები)

8.1. „მიმწოდებელთან“ ანგარიშსწორება განხორციელდება ეროვნულ ვალუტაში;

8.2. შესყიდვის ობიექტის ღირებულების ანაზღაურება მოხდება უნაღდო ანგარიშსწორებით;

8.3. შესაძლებელია სავანსო ანგარიშსწორების გამოყენება ხელშეკრულების ღირებულების 30%-ის ფარგლებში, შემსყიდველის მიერ ავანსის გაცემასთან დაკავშირებით, მიმწოდებელი ვალდებულია წარმოადგინოს გასაცემი ავანსის ოდენობის (ბანკის მიერ გაცემული) უპირობო საბანკო გარანტია. საბანკო გარანტიის ვადა უნდა აღემატებოდეს სამუშაოების დასრულების ვადას 60 (სამოცი) კალენდარული დღით.

8.4. ავანსის გაქვითვა მოხდება ფაქტობრივად შესრულებული სამუშაოს გათვალისწინებით შესაბამისი მიღება-ჩაბარების აქტის (ფორმა №2) საფუძველზე, შესრულებული სამუშაოს პროპორციულად.

8.5. ავანსის გათვალისწინებული თანხის გადარიცხვა იწარმოებს უნაღდო ანგარიშსწორების ფორმით მიმწოდებლის მიერ უპირობო საბანკო გარანტიის წარმოდგენიდან 10 (ათი) სამუშაო დღის ვადაში.

8.6. შემსყიდველი უფლებამოსილია ამოქმედოს ავანსის უზრუნველსაყოფად გაცემული საბანკო გარანტია მიმწოდებლის მიერ ხელშეკრულების პირობების დარღვევისა და ხელშეკრულების შეწყვეტის შემთხვევაში.

8.7. ანგარიშსწორება „შემსყიდველის“ მიერ შესაძლებელია მოხდეს ეტაპობრივად, შესრულებულ სამუშაოზე „ფორმა №2“-ისა და შესრულებულ სამუშაოზე გაფორმებული აქტის საფუძველზე, შესაბამისი დოკუმენტაციის წარმოდგენიდან 10 (ათი) სამუშაო დღის განმავლობაში.

8.8. შუალედური ანაზღაურება განხორციელდება არაუმეტეს ნაზარდი ჯამით სახელშეკრულებო ღირებულების 80 %-სა.

8.9. საბოლოო ანაზღაურება მოხდება შესრულებულ სამუშაოზე გაფორმებული საბოლოო მიღება-ჩაბარების აქტის (ხელშეკრულების შესრულების დამადასტურებელი დოკუმენტაცია) შემდეგ 10 (ათი) სამუშაო დღის მანძილზე, რომელსაც თან უნდა ერთვოდეს ლ. სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტირებული ექსპერტიზის მიერ გაცემული დასკვნა, შესრულებული სამუშაოს სახარჯთაღრიცხვო მოთხოვნებთან შესაბამისობის შესახებ. ასევე დასკვნას თან უნდა ახლდეს ლაბორატორიული დასკვნა ბეტონის მარკის შესახებ.

8.10. ხელშეკრულების შესრულების უზრუნველყოფის საბანკო გარანტიების მექანიზმი არ გამოიყენება.

9. მხარეთა უფლება-მოვალეობანი

9.1. „შემსყიდველი“ ვალდებულია:

ა) გადასცეს მიმწოდებელს ინფორმაცია შესყიდვის ობიექტის მიწოდებასთან დაკავშირებული ყველა არსებითი გარემოების შესახებ;

ბ) აანაზღაუროს შესრულებული სამუშაოს ღირებულება.

გ) განახორციელოს კონტროლი და ზედამხედველობა „მიმწოდებლის“ მიერ ხელშეკრულების პირობების დაცვაზე;

დ) საქართველოს კანონმდებლობის შესაბამისად შეაჩეროს ან შეწყვიტოს სახელმწიფო შესყიდვის შესახებ დადებული ხელშეკრულების მოქმედება.

9.2. „მიმწოდებელი“ ვალდებულია:

ა) დაიცვას ხელშეკრულებით გათვალისწინებული ყველა პირობა;

ბ) დააკმაყოფილოს „შემსყიდველის“ მოთხოვნა დამატებითი მონაცემებისა და გარანტიების წარმოდგენის შესახებ კანონმდებლობით დადგენილი წესით;

გ) სამუშაოს შესრულებისას დაიცვას უსაფრთხოებისა და გარემოს დაცვის ნორმები.

დ) სამუშაოების პარალელურად მისი ძალებითა და სახსრებით სამუშაო მოედანი პერიოდულად გათავისუფლოს სამშენებლო ნაგვისაგან; ნარჩენი მასალებისაგან, დროებითი ნაგებობებისაგან და ა.შ.

9.3. „მიმწოდებელს“ უფლება აქვს:

ა) მოთხოვოს „შემსყიდველს“ გაწეული მომსახურების შუალედური და საბოლოო ანაზღაურება



ხელშეკრულებით გათვალისწინებული პირობებით.

10. მხარეთა პასუხისმგებლობა ხელშეკრულების დარღვევისას

10.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

10.2. ხელშეკრულებით, მხარეების განსაზღვრული ვადების დარღვევის შემთხვევაში ყოველ ვადაგადაცილებულ დღეზე დამრღვევ მხარეს ეკისრება პირგასამტეხლო, შეუსრულებელი ვალდებულების ღირებულების 0.1% ოდენობით.

10.3. იმ შემთხვევაში, თუ დამრღვევი მხარეს მიერ, ხელშეკრულებით განსაზღვრული ობიექტის საბოლოო ჩაბარების ვადას, ვადაგადაცილება აღემატება ჯამში 30 კალენდარული დღეს, დაზარალებულ მხარეს უფლება აქვს შეწყვიტოს ხელშეკრულება.

10.4. ხელშეკრულების შეუსრულებლობით შეწყვეტის შემთხვევაში, მიმწოდებელს ეკისრება პირგასამტეხლოს გადახდა ხელშეკრულების საერთო ღირებულების 10 (ათი) პროცენტის ოდენობით;

10.5. სამუშაოების წარმოების გეგმა-გრაფიკის (დანართი N2) დარღვევის შემთხვევაში მიმწოდებელს დაეკისრება პირგასამტეხლო სატენდერო დოკუმენტაციის „10.2.“ პუნქტით განსაზღვრული ოდენობის შესაბამისად. პირგასამტეხლოს დარიცხვა შეიძლება გაგრძელდეს 7 კალენდარული დღის განმავლობაში, ამის შემდეგ დგება ახალი გეგმა-გრაფიკი.

10.6. გეგმა-გრაფიკის 2-ჯერ დარღვევის შემთხვევაში შემსყიდველს უფლება აქვს შეწყვიტოს ხელშეკრულება.

10.7. ხელშეკრულების პირობების შეუსრულებლობისათვის, მიმწოდებლის დაჯარიმების შემთხვევაში, შემსყიდველი იტოვებს უფლებას არ აანაზღაუროს შესრულებული სამუშაოს ასანაზღაურებელი ღირებულება, საჯარიმო სანქციებით გათვალისწინებული თანხის სრულ გადახდამდე.

11. ხელშეკრულების პირობების გადასინჯვის შესაძლებლობა

11.1 არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11.3. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების საერთო ღირებულების 10%-ზე მეტი ოდენობის გაზრდა;

11.5. ხელშეკრულებაში პირობების ცვლილება ფორმდება დანართის სახით და წარმოადგენს ხელშეკრულების განუყოფელ ნაწილს.

12. ხელშეკრულების შესრულების შეფერხება

12.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოწვევის მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

12.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

13. ფორს-მაჟორი

13.1. მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვევს შესაბამისი დროით, გარემოებათა დასრულების შემდეგ.

13.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

13.3. მხარე, რომელსაც შეექმნა ფორს-მაჟორული გარემოება დაუყოვნებლივ წერილობით აცნობებს ამის შესახებ მეორე



მხარეს.

14. დავები და მათი გადაწყვეტის წესი

14.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

14.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

15. ხელშეკრულების პირობების შესრულების კონტროლი

15.1. „შემსყიდველი“ უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია მიწოდებული შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

15.2. ხელშეკრულების პირობების შესრულების კონტროლს შემსყიდველის მხრიდან განახორციელებს შემსყიდველის მიერ საამისოდ დანიშნული უფლებამოსილი პირები.

15.3. შემოწმების შედეგად გამოვლენილი ნებისმიერი ნაკლის ან დეფექტის შესახებ „შემსყიდველი“ დაუყოვნებლივ წერილობით აცნობებს „მიმწოდებელს“ წუნდების მიზეზების მითითებით.

15.4. გამოვლენილი დეფექტის ან ნაკლის აღმოფხვრასთან და ხელახალ შემოწმებასთან დაკავშირებული ხარჯების ანაზღაურება ეკისრება „მიმწოდებელს“, საქართველოს კანონმდებლობით დადგენილი წესით.

16. სხვა პირობები

16.1. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა, ორი პირი ინახება შემსყიდველთან, ერთი - მიმწოდებელთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.2. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

16.3. ყველა დანართი და ხელშეკრულების დამატება, რომელიც ხელმოწერილია მხარეთა უფლებამოსილი წარმომადგენლების მიერ, ითვლება ხელშეკრულების განუყოფელ ნაწილად და სავალდებულოა შესასრულებლად.

16.4. მხარეები სრულად არიან პასუხისმგებელი მათ მიერ ხელშეკრულებაში მითითებული რეკვიზიტების სისწორეზე.

16.5. ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელექტრონული ფოსტის საშუალებით, იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით. იმ შემთხვევაში თუ მხარისათვის შეტყობინების გადაცემა ვერ ხერხდება ხელშეკრულებაში აღნიშნულ მისამართზე იმის გამო, რომ მისამართი არასწორადაა მითითებული, შეტყობინება ჩაითვლება ჩაბარებულად და შეტყობინებაში მითითებული ვადების ათვლა განხორციელდება საფოსტო გზავნილის შესაბამის მისამართზე წარდგენის მომდევნო დღიდან.

17. მხარეთა იურიდიული მისამართები და რეკვიზიტები

შემსყიდველი: ოზურგეთის მუნიციპალიტეტი, წარმოდგენილი გამგებლის მერაბ ჭანუყვადის სახით, მისამართი: მ. კოსტავას ქუჩა №1, საიდენტიფიკაციო კოდი: 237113869; სახელმწიფო ხაზინა;

მიმწოდებელი: შ.პ.ს „რიყე 2014“, წარმოდგენილი დირექტორის პაატა ვაშალომიძის სახით,

ელ-ფოსტა: pvashalomidze@mail.ru;

ს/კ: 437062651; მისამართი: ქ. ოზურგეთი, ნემიროვიჩ-დანჩენკოს ქ. N7; ტელ: 568 82 81 83; 568 83 37 31;

ბანკის რეკვიზიტები: სს „საქართველოს ბანკი“. კოდი: BAGAGE22;

ა/ა GE 58 BG 0000 0008 3032 1900

შემსყიდველი:

მ. ჭანუყვაძე

მიმწოდებელი:

პ. ვაშალომიძე

ხარჯთაღრიცხვები
სოფ. გურიანთა ეკლესიის მიმდებარედ ბეტონის გზა

N	სამუშაოს დასახელება	განზ.	რაოდ.	ერთ.	ჯამი
1	2	3	4	5	6
	არსებული ბეტონის ფილების დემონტაჟი დასაწყობებით	კბმ	12	6,279	75,348
	ამწე საავტომობილო სვლაზე 10ტ	მ/სთ	8	17,752	142,016
	ბალასტის შეტანა	კბმ	80	9,814	785,12
	ქვედა ფენის მოწყობა სილა ღორღოვანი ნარევით	კბმ	200	15,246	3049,2
	ავტოგრიდერი საშუალო ტიპის	მ/სთ	24	24,122	578,928
	სატკეპნი საგზაო 5ტ	მ/სთ	48	12,579	603,792
	არმირებული ცემენტ-ბეტონის მ300 გზის დაგება სისქით 15სმ (480*3)	კბმ	220	131,004531	28820,9968
	არმატურა ა1 დ=6 პროექტით უჯრის ზომა 0,2X0,2მ	გრძმ	14400	0,343	4939,2
	სახვევი მავთული პროექტით	კბ	61	1,26	76,86
	ქარგილი	კბმ	1	406	406
	გზის გვერდულების მოხრეშვა ღორღით 20-50მმ	კბმ	80	16,436	1314,88
	რკინაბეტონის მილხიდის დ=800 გაწმენდა	გრძმ	11	6,3	69,3
	სანიაღვრე არხის მოწყობა (100 მ) გრუნტის გატანით	კბმ	20	7,819	156,38
	ექსკავატორი ერთციცხვიანი	მ/სთ	16	26,775	428,4
	ლითონის მილხიდის დ=500 მოწყობა	გრძმ	5,5	131,775	724,7625
	ქარგილის მოწყობა მილხიდის სათავისებისათვის	კბმ	0,1	406	40,6
	ლურსმანი სამშენებლო	კბ	0,5	2,38	1,19
	ბეტონის ჩასხმა ქარგილში (1*0.9*0.2მ 2ც)	კბმ	0,4	130,599	52,2396
	სადეფორმაცია ნაკერების მოწყობა	გრძმ	69	3,22	222,18
	ბიტუმის ემულსია	ტ	0,01	1715	17,15
	ნაკერების ჩამსხმელი	მ/სთ	8	3,36	26,88
	ნაკერების საჭრელი დისკური ფრეზი	მ/სთ	16	15,463	247,408
	ჯამი				42778,83
	ზედნადები ხარჯები	10%			4277,88
	ჯამი				47056,71
	გეგმიური დაგროვება	8%			3764,54
	ჯამი				50821,25
	დღგ	18%			9147,83
	ჯამი				59969,08

შემსყიდველი:



მ. კანუჭავაძე

მიმწოდებელი:

პ. ვაშალაშვილი

სოფ. კონჭკათი (მე-6 ბრიგადა ხარაიშვილების უბანი) ბეტონის გზა

№	სამუშაოს დასახელება	განზ.	რაოდ.	ერთ.	ჯამი
1	2	3	4	5	6
	ქვედა ფენის მოწყობა სილა ღორღოვანი ნარევით	კბმ	11	21,112	232,232
	ავტოგრეიდერი საშუალო ტიპის	მ/სთ	2	24,122	48,244
	სატკეპნი საგზაო 5ტ	მ/სთ	6	12,579	75,474
	არმირებული ცემენტო-ბეტონის მ300 გზის დაგება სისქით 15სმ (30მ*2.5)	კბმ	11,5	129,885	1493,6775
	არმატურა ა1 დ=6 პროექტით უჯრის ზომა 0,2X0,2მ	გრმმ	750	0,343	257,25
	სახვევი მავთული პროექტით	კბ	3,5	1,26	4,41
	ქარგილი	კბმ	0,5	406	203
	გზის გვერდულების მოხრეშვა ღორღით 20-50მმ	კბმ	4,9	22,1949	108,75501
	ჯამი				2423,04
	ზედნადები ხარჯები	10%			242,30
	ჯამი				2665,35
	გეგმიური დაგროვება	8%			213,23
	ჯამი				2878,57
	დღგ	18%			518,14
	ჯამი				3396,72

სოფ. კონჭკათი (პირველი ბრიგადა) ბეტონის გზა

№	სამუშაოს დასახელება	განზ.	რაოდ.	ერთ.	ჯამი
1	2	3	4	5	6
	ბალასტის შეტანა სისქით 10სმ	კბმ	18	10,57	190,26
	ქვედა ფენის მოწყობა სილა ღორღოვანი ნარევით	კბმ	21,5	21,112	453,908
	ავტოგრეიდერი საშუალო ტიპის	მ/სთ	4	24,122	96,488
	სატკეპნი საგზაო 5ტ	მ/სთ	8	12,579	100,632
	არმირებული ცემენტო-ბეტონის მ300 გზის დაგება სისქით 15სმ (50*3მ)	კბმ	23	129,885	2987,355
	არმატურა ა1 დ=6 პროექტით უჯრის ზომა 0,2X0,2მ	გრმმ	1500	0,343	514,5
	სახვევი მავთული პროექტით	კბ	6,3	1,26	7,938
	ქარგილი	კბმ	0,5	406	203
	გზის გვერდულების მოხრეშვა ღორღით 20-50მმ	კბმ	8	22,302	178,416
	ჯამი				4732,50
	ზედნადები ხარჯები	10%			473,25
	ჯამი				5205,75
	გეგმიური დაგროვება	8%			416,46
	ჯამი				5622,21
	დღგ	18%			1012,00
	ჯამი				6634,20

შემსყიდველი:

 მ. კანუყვადე

მიმწოდებელი:

 ბ. ვაშალომიძე

სამუშაოების წარმოების
გეგმა-გრაფიკი

№	თვე/წელი	სამუშაოს დასახელება	ღირებულება (ლარი)
1	მაისი	ბეტონის გზის მოწყობის სამუშაოები	2 000
2	ივნისი	ბეტონის გზის მოწყობის სამუშაოები	15 000
3	ივლისი	ბეტონის გზის მოწყობის სამუშაოები	33 000
4	აგვისტო	ბეტონის გზის მოწყობის სამუშაოები	20 000
სულ ჯამი:			70 000

შემსყიდველი:


მ. ჭანუყვაძე

მიმწოდებელი:


პ. ვაშალომიძე